

ხელშეკრულება ინტერნეტ მომსახურების შესახებ N 42
(VIP პაკეტი)

ქ. თბილისი

19 აპრილი 2017 წელი

ერთის მხრივ **სსიპ საზოგადოებრივი კოლეჯი „ფაზისი“** (შემდგომში „შემსყიდველი“), წარმოდგენილი მისი დირექტორის ნინო ბაკურაძის სახით და მეორეს მხრივ **შპს „სტუდია ვებჯორჯია“**, (შემდგომში „მიმწოდებელი“), წარმოდგენილი დირექტორის ვახტანგ ჯინჯიკაძის სახით, „სახელმწიფო შესყიდვების შესახებ“ საქართველოს კანონის შესაბამისად გამარტივებული შესყიდვის საშუალებით დებენ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანია: სამენოვან საიტზე webgeorgia.ge დამკვეთისათვის VIP პაკეტით სარგებლობა.

VIP პაკეტი მოიცავს - **სარეკლამო მომსახურება (CPV- 79341000)** :

1.1. დამკვეთის (პარტნიორის) ლოგო და მონაცემები (დასახელება, მისამართი, ტელეფონები, ვებ და ფეისბუქის გვერდის ლინკები, ელ-ფოსტა, ზუსტი ადგილმდებარეობის ამსახველი რუკა), და ორგანიზაციის ფილიალები (ასეთის არსებობის შემთხვევაში) webgeorgia.ge-ს ქართულ, ინგლისურ და რუსულ ვერსიებში განთავსდება.

1.2. დამკვეთს სამენოვანი საპრეზენტაციო გვერდის გამოყენების საშუალება ეძლევა, რომელიც webgeorgia.ge-ს სამივე ენის ვერსიაში შეუძლია წარმოაჩინოს. ხელშეკრულების პირველად გაფორმების შემთხვევაში შემსრულებელი დამკვეთის სამენოვანი საპრეზენტაციო გვერდის ქართულ ვერსიას შეუქმნის და მას webgeorgia.ge-ს ქართულ ვერსიაში განათავსებს.

1.3. საპრეზენტაციო გვერდი მოიცავს: ინფორმაციას დამკვეთის (პარტნიორის) საქმიანობის შესახებ, სიახლეების დამატების საშუალებას, საკონტაქტო მონაცემებს და ზუსტი ადგილმდებარეობის ამსახველ რუკას, მაქსიმუმ 20 ფოტო და შეუზღუდავი რაოდენობის ვიდეო მასალას (ვიდეო ფაილები ატვირთული უნდა იყოს youtube.com-ზე).

1.4. საპრეზენტაციო გვერდზე წარმოდგენილი ნებისმიერი ინფორმაციის მართვა, ინგლისური და რუსული ვერსიების შევსება დამკვეთს (პარტნიორს) თავად შეეძლება, რისთვისაც მას საკუთარი სამართავი პანელი ექნება.

1.5. ყოველი დამატებული სიახლე webgeorgia.ge-ს ქართული ვერსიის მთავარ გვერდზე და შესაბამისი კატეგორიის გვერდის მარჯვენა მხარეს გამოჩნდება.

1.6. საპრეზენტაციო გვერდს საკუთარი მისამართი გააჩნია, რაც მის დამოუკიდებლად გამოყენების საშუალებას იძლევა.

1.7. დამკვეთისთვის (პარტნიორისთვის) როტაციის პრინციპი იმოქმედებს: რამდენიმე წუთში ერთხელ ყველა პარტნიორის ადგილმდებარეობა იცვლება და ჩამონათვალის ბოლოს მდებარე პარტნიორი ჩამონათვალის სათავეში ექცევა, რაც პარტნიორებს შორის ჯანსაღ კონკურენციას ქმნის.

1.8. ახალი და ხელმეორედ რეგისტრირებული პარტნიორი „ახალი პარტნიორების“ სათავეში ექცევა.

2. ხელშეკრულების გაფორმების წესი და მისი ძალაში შესვლა

2.1. მხარეები თანხმდებიან, რომ ხელშეკრულება ატარებს ელექტრონულ ფორმას, რომელსაც „შემსრულებელი“ ელექტრონული ფოსტის საშუალებით უგზავნის „დამკვეთს“.

2.2. ხელშეკრულების გაგზავნისას ელექტრონულად წარმოდგენილია „შემსრულებლის“ რეკვიზიტები, ბეჭდის ანაბეჭდი და უფლებამოსილი პირის ხელმოწერის ანაბეჭდი.

2.3. „დამკვეთის“ მიერ „შემსრულებლის“ 8.1. პუნქტში აღნიშნულ საბანკო ანგარიშზე მითითებული თანხის ჩარიცხვა ადასტურებს მის თანხმობას წინამდებარე ხელშეკრულებაზე და განაპირობებს მის ძალაში შესვლას.

2.4. მხარეები თანხმდებიან, რომ ხელშეკრულების გაფორმების წესი ატარებს იგივე იურიდიულ ძალას, როგორც მხარეების მიერ ცოცხალი ხელმოწერის შემთხვევაში, და არ იწვევს წინამდებარე ხელშეკრულების სრულ ან მისი რომელიმე პუნქტის ბათილობას.

2.5. მომსახურების მიწოდება განხორციელდება 12 თვით და იგი ძალაშია 2017 წლის 19 აპრილიდან 2018 წლის 19 აპრილამდე.

3. ხელშეკრულების მოქმედების ვადა

3.1. ხელშეკრულების ვადის დაწყებად მისი გაფორმების თარიღი აითვლება.

3.2. ხელშეკრულების მოქმედების ვადა **2018 წლის 31 მაისამდე.**

3.3. ხელშეკრულების მოქმედების ვადის გასვლიდან 1 კვირის განმავლობაში შემსრულებელი უფლებას იტოვებს დამკვეთს მოუხსნას VIP პაკეტით მინიჭებული უპირატესობები და მისი მონაცემები „უფასო რეგისტრაციის“ სტატუსში გადაიყვანოს.

4. მხარეთა უფლება-მოვალეობები

4.1. შემსრულებელი იღებს ვალდებულებას დამკვეთის მიერ მის საბანკო ანგარიშზე მითითებული თანხის ჩარიცხვიდან 3 (სამი) სამუშაო დღის განმავლობაში webgeorgia.ge-ზე დამკვეთს ხელშეკრულების პირველი პუნქტით გათვალისწინებული მომსახურება გაუწიოს, ხელშეკრულების მოქმედების პერიოდში იზრუნოს საიტის გამართულ მუშაობაზე და საჭიროების შემთხვევაში სამუშაო საათებში სატელეფონო კონსულტაცია გაუწიოს.

4.2. მხარეები ნაკისრი ვალდებულების შესრულებისგან დაუძლეველი ძალის – ფორს-მაჟორის (საბრძოლო მოქმედება, სტიქიური უბედურება, დივერსია, ხანძარი ან სხვ.) მსვლელობის პერიოდში თავისუფლდებიან.

5. მომსახურების ფასი და ანგარიშსწორების წესი

5.1. VIP პაკეტით სარგებლობის ღირებულება წელიწადში 250(ორას ორმოცდაათი)ლარით განისაზღვრება.

5.2. ანგარიშსწორება დამკვეთის მიერ შემსრულებლის საბანკო ანგარიშზე გადარიცხვის გზით ხორციელდება.

6. დავების გადაწყვეტის წესი

6.1. მხარეთა შორის საქმიანობასთან დაკავშირებული ყველა საკითხი უნდა გადაწყდეს მოლაპარაკების გზით. მხარეთა შორის დავა გადაწყდება მოხდება მომქმედი კანონმდებლობის შესაბამისად საერთო სასამართლოს მეშვეობით.

7. ხელშეკრულების შეწყვეტის საფუძველი

7.1. მხარეთა შეთანხმება;

7.2. ერთერთი მხარის მიერ ხელშეკრულებით ნაკისრი ვალდებულების შეუსრულებლობა;

7.3. თითოეული მხარე უფლებამოსილია ცალმხრივად შეწყვიტოს ხელშეკრულება ვადაზე ადრე, რის შესახებაც ხელშეკრულების შემწყვეტმა მხარემ წერილობით, ერთი კვირით ადრე, უნდა შეატყობინოს მეორე მხარეს.

8. მხარეთა რეკვიზიტები:

8.1. შემსრულებელი

8.2. დამკვეთი

დასახელება:	შპს „სტუდია ვებჯორჯია“	დასახელება:	სსიპ საზოგადოებრივი კოლეჯი „ფაზისი“
მისამართი:	ქ. თბილისი ვ.ფშაველას N16	მისამართი:	ქ. ფოთი, კონსტიტუციის ქ. №54
ტელეფონი:	571 512121	ტელეფონი:	5 95 53 51 41
ელ-ფოსტა	info@webgeorgia.ge	ელ-ფოსტა	Poti.pazisi@yahoo.com
საიდენტიფიკაციო კოდი	205197320	საიდენტიფიკაციო კოდი	215 101 716
ბანკი	თიბისი ბანკი	ბანკი	სახელმწიფო ხაზინა
ანგარიშის ნომერი	GE57TB73 02836020100001	ანგარიშის ნომერი	
დირექტორი	ვახტანგ ჯინჯიხაძე	დირექტორი	ნინო ბაკურაძე

